



Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

1. Quòd magnopere oportet religiosum spiritualis profectus audum bona quærere consortia, & deuitare mala.

[urn:nbn:de:hbz:466:1-50980](https://nbn-resolving.de/urn:nbn:de:hbz:466:1-50980)

minabit altius extra terram. In tertio fructus erit perfectus. Simili modo in similitudinē plantæ eradicabitur talis de terra mala & sterili vita mundanæ: quod fiet cum pœna magna & labore; postea replantabitur, vbi adhuc leuiter sustinebit grauitates. Ultimo vero erit radicatus fortiter & perfectè: & afferet fructum multum. Itaque qui in prædictarum trium viarum exercitiis diligenter fuerit exercitatus auditate ad ipsiendi diuinum amorem: adiuuante domino: citius valebit attingere perfectionem nisi ex sua culpa & negligentia hoc noluerit desinens in eis exerceri, aut rediens ad vitia & noxias delectationes: quæ ut superentur & radicitus euellantur, sollicitè est laborandum: alioquin modicum proficiet, prout plenius continetur in tractatu de Spiritualibus ascensionibus: cuius initium est, Beatus vir.

*QVOD RELIGIOSO SPIRITALITER
proficere cupienti, multum confert bonorum
consortia querere: & malorum
deuitare.*

CAPVT I.

Hortatur nos Propheta dicens; Cum sancto sanctus eris: & cum peruerso peruerteris. Igitur frater in Christo Iesu dilectissime diligenter caue ne per prauorum dissoluta & dolosa consortia decipiaris. Adhære alicui viro religioso, qui sit virtute prædictus, disciplina ornatus, scientia eruditus, grauitate maturus, in timore Dei fundatus, à quo iugiter audias

b 4

adifica-

ædificationis & consolationis verba & imitatione digna. Sicut enim calculus frigidus si adiungatur calculo ignito , accenditur & ardet: ita qui tepidus & frigidus est , adiunctus ei quietus feruidus & deuotus , feruescit s̄aþe , & fit deuotus , eruditus , atque bonis moribus adornatus. Sicut Apostoli redemptori nostro cohærentes facti sunt viri sancti , & repleti Spiritu sancto. Similiter Marcus adhærens Petro , fuit eruditus in Euangelio & meruit esse Euangelista. Timotheus quoque Paulum comitatus , ab ineunte pueritia in Scripturis sanctis peritissimus fuit , atque per eundem Apostolum Paulum , Episcopus ordinatus : demumq; Euangelium praedicas obiit gloriosus martyr. Rursus secutus Ambrosium Augustinus ab eo fuit instructus & baptizatus , meruitq; in sancta Ecclesia doctor et clarissimus , atque in toto terrarum orbe nominatissimus. Sanctus etiam puer Maurus gloriosum patrem Benedictum sectatus , meruit postea Abbas dignissimus esse , ac virtutibus & miraculis resplendere. Et deuotus Bernardus Abbatem Stephanum comitans in Cisterciensi monasterio , in sua religione totius religiositatis effectus est lumen splendidum : & instar coruscantissimi syderis in cunctis claruit terris: nunc claret in cœlis. Plura possemus tam vetere quam noui Testamenti exempla ponere , quod ad salutem animæ & ad spiritualia exercitiationum confortia multum prosunt , & malorum nimium obsunt : quæ ob prælixitatem vitandam prætermittimus.

LVO